

兵備志 渠縣志第七

三代之兵寓於農圃秦漢始置材官於郡國而實兵特以剽勇稱西魏以降府兵漸興唐衍其制益置府兵於十二道宋制京師禁軍以外有諸州廂軍應募民丁若保丁則一保之內所設者也胡元路設萬戶府縣設千戶所有正戶貼戶等軍上馬則備戰鬪下馬則屯聚牧畜蓋亦寢有古意焉明世州縣分設制兵練兵民兵三種初有總旗小旗之目清代則設汛兵以隸汛防防常練團勇以屬團保至於民國兵制稱供調縣署則警備隊服其役鎮守城圍則城防兵肩其任葆衛鄉里緝盜禦賊則壯丁團隊龔其差傳曰天生五材誰能去兵其言信弗僞哉

兵制沿革表 兵備志一

秦 漢 蜀 漢 西晉 東晉 西魏 後周 隋

渠縣志

卷七

兵備志一

渠縣平民教養工廠鉛印部承印 渠縣平民教養工廠鉛印部承印

<p>將 守丞治民尉典兵</p>	<p>尉 太守長史</p>	<p>丞 都尉丞</p>	<p>太守長史</p>	<p>武吏</p>	<p>刺史</p>	<p>刺史總管</p>	<p>郎將</p>	<p>副將</p>	<p>坊主</p>
<p>材官 析天下為卅六郡置材官</p>	<p>材官板楯 蠻 賓兵</p>	<p>實叟 依孔傳說</p>	<p>叟兵 太康元甯康元</p>	<p>兵 甯康元</p>	<p>府兵 宇文泰用蘇綽</p>	<p>府兵 仍用齊府兵之制</p>	<p>府兵</p>	<p>府兵</p>	<p>府兵</p>
<p>卒</p>	<p>馬氏文獻通攷謂巴蜀止有材官言無衛士騎</p>	<p>兵有突將無前實叟青羌散騎武騎之別</p>	<p>州郡兵以巴獠</p>	<p>兵拒符</p>	<p>議始創府兵</p>	<p>仍用齊府兵之制</p>	<p>制稍加潤色</p>	<p></p>	<p></p>
<p>剽勇</p>	<p>漢世實兵極</p>	<p>破李鑲等</p>	<p>人李特</p>	<p>兵擊流</p>	<p>堅</p>	<p></p>	<p></p>	<p></p>	<p></p>



唐前蜀 宋 元 明 清 民國

刺史司馬校尉火長	總管天復五	渠州府路由都總管	達魯花赤千戶	(甲)千戶副千戶	(甲)汛防把總	(甲)警備隊長
正察使之統	史州雄武	統之司本州復設	百戶鎮	(乙)總旗小	(乙)團保局長	(乙)城防司令
副都指揮使	副都指揮使	副都指揮使	撫路各	(丙)民兵統于本縣長	汛兵初隸保甯	(丙)團令
領之	押官都監	押官都監	設萬戶	洪武中千戶所設	鎮後改隸順慶	(丙)團令
(乙)紳	(丙)都保	(丙)都保	千戶所	安州縣隸之	協營達州營綏定	(丙)團令

越騎	渠州兵	屯駐	屯兵	(甲)制兵	(甲)汛兵五十名	(甲)警備隊
府兵	王建割	駐泊	戶貼	(乙)練兵	常練丁團	(乙)城防司
步騎	渠州兵	就糧	戶壯	(丙)民兵壯丁		(丙)團令
唐初	渠州兵		謂之正			
兵制	渠州兵					

渠縣志

卷七

兵備志

二

渠縣平民教養工廠鉛印部承印 渠縣平民教養工廠鉛印部承印

以十人為一隊	十人為一隊	(丙)保丁	戶弱者			
為五火	十人為一隊	留州廂兵號克甯軍	出錢謂			
十人為一隊	十人為一隊		之貼戶			
隊三百	十人為一隊					
人為團	十人為一隊					
開元末	十人為一隊					
始改用	十人為一隊					
廣騎	十人為一隊					

駐防 兵備志二

清制渠縣舊無營鎮屯練僅汛防把總一駐城領馬步兵五十名

順治初年隸保甯營

康熙中年改隸順慶營

雍正末年又隸達州營乾隆因之

嘉慶十九年始改隸綏定營

二十三年添設分防外委一駐縣屬靜邊場或云二十五年

宣統元年汛防把總及外防外委均奉令裁撤

民國二年十月四川陸軍簡營長御令駐渠次年引去
四年楊連長駐渠清鄉事竣亦去

五年四川陸軍許梯團長渥生御鍾師長命駐渠

七年郝營長御靖國軍司令命防渠七月改駐謝腹便團長

八年調李子實團長駐防紮觀音樑

九年調喻旅長海清駐防紮舊東昇當

十年二月四川江防軍向康衢旅長御命防渠仍駐舊東昇當

十一年初由民軍鄭司令派兵駐渠後由秦軍王忠良司令駐防

十二年十月川陝邊防軍派余魏兩團駐防

十三年後乃由四川陸軍第十一師羅師長令派熊旅長玉璋駐防

渠縣志

卷七

兵備志一

三

渠縣平民教養工廠鉛印部承印
渠縣平民教養工廠鉛印部承印

十五年後駐防旅部紮縣府四道堂

十九年十月羅師因部屬內變爲叛團李某監視月餘脫險

二十年一月間道入渠自率熊旅攻順不克退駐武勝渠防即爲二十
軍楊森所有併派三混成旅楊漢域旅長駐焉

二十一年十月軍長楊森徇各將領之請出兵戡亂十一月調旅長楊
漢域駐順另派向司令廷瑞鄒司令文龍率戍區精練各營駐防司令
部紮縣府花廳

保甲 兵備志三

昔黃帝始經土設井以塞爭端立步制畝以防不足使八家爲井井通四道而分八宅鑿井於中一則不洩地氣二則無費一家三則同風俗四則齊巧拙五則通財貨六則存亡更守七則出入相司八則嫁娶相媒九則無有相貸十則疾病相救是以性情可得而親生產可得而均均則欺凌之路塞親則鬪訟之心弭既牧之於邑故井一爲鄰鄰三爲朋朋三爲里里五爲邑邑十爲都都十爲師師七爲州夫始分於井則地著計之於州則數詳迄乎夏殷不易其制周制大司徒令五家爲比使之相保五比爲閭使之相受四閭爲族使之相葬五族爲黨使之相救五黨爲州使之相調五州爲鄉使之相賓及三年則大比大比則受邦國之比要

渠縣志

卷七

兵備志三

四

渠縣平民教養工廠鉛印部承印
渠縣平民教養工廠鉛印部承印

比設比長每比下士一人掌五家閭設閭胥每閭中士一人掌二十五家族設族師每族上士一人掌一百家州設州長每州中大夫一人掌二千五百家

遂人掌邦之野以土地之圖經田野造縣鄙形體之法五家爲鄰五鄰爲里四里爲鄴五鄴爲鄙五鄙爲縣五縣爲遂皆有地域溝樹之使各掌其政令刑禁以歲時稽其人民而授之田野簡其兵器教之耜稼里有序而鄉有庠序以明教庠則行禮而視化焉

隣長每鄰一人掌五家 里宰每里下士一人掌二十五家 鄴長每鄴中士一人掌一百家 鄙師每鄙上士一人掌五百家 縣正每縣下大夫一人掌二千五百家

齊威公用管仲仲曰夫善牧者非以城郭也輔之以什司之以伍伍無

非其里什無非其家故奔亡者無所匿遷徙者無所容不求而得不召而來故人無流亡之意吏無備追之憂故主政可行於人人心可繫於主是以制國郊內則以五家爲軌軌十爲里里四爲連連十爲鄉鄉五爲帥國內十五鄉自家至帥郊外則三十家爲邑邑十爲卒卒十爲鄉鄉三爲縣縣十爲屬屬有五自家至屬各有官長以司其事以寓軍政焉而齊遂霸

秦用商鞅變法令作什伍之制五戶爲伍十戶爲什百戶一里里有魁五里一郵郵有督十里一亭亭有長五亭一鄉鄉有游徼十亭一縣縣有令尉十鄉曰聚聚有嗇夫

漢制十里一亭亭有長十亭一鄉鄉有三老有秩嗇夫游徼三老掌教化嗇夫職聽訟收賦稅游徼徼循禁賊盜縣大率方百里其民稠則減

渠縣志

卷七

兵備志三

五

渠縣平民教養工廠鉛印部承印
渠縣平民教養工廠鉛印部承印

稀則曠鄉亭亦如之

東漢鄉置三老掌教化凡有孝子順孫正女義婦遜財救患及學士爲民法式者皆扁表其門閭以興善行鄉置有秩游徼有秩郡所置秩百石掌一鄉人其鄉小者縣置嗇夫一人皆主知民善惡爲役先後知民貧富爲賦多少平其差品游徼掌循禁司姦盜又有鄉佐屬鄉王民收賦稅亭有長以禁盜賊里有里魁民有什伍善惡以告本注曰里魁掌一里百家十主十家伍主五家以相檢察有善事惡事以告監官

晉制每縣戶五百以上皆置鄉三千以上置二鄉五千以上置三鄉萬以上置四鄉鄉置嗇夫一人鄉戶右每千以下置治書吏一人千以上置史佐各一人正一人五千五百以上置史一人佐二人縣率百戶置里吏一人其土廣人稀聽隨宜置里吏限不得減五十戶十以上置

校官掾一人縣皆置方略吏四人 以上通攷

宋縣五家為伍伍長主之二伍為什什長主之什十為里里魁主之十里為亭亭長主之十亭為鄉鄉有鄉佐三老有嗇夫游徼各一人 鄭通志

後魏初立宗主督護人多隱冒五拾三拾家方為一戶謂之蔭附蔭附者皆無官役豪強徵斂倍於公賦太和拾年遂定三長之制五家立一鄰長五隣立一里長五里立一黨長北齊令人居拾家為鄰比五拾家為閭百家為族黨一黨之內則有黨族一人副黨一人閭正二人鄰長拾人合拾有四人共領百家而已至於城邑一坊僑舊或有千戶以上唯有里正二人里吏二人里吏不常直隅老四人非是官府私充事力坊事亦得取濟若論外黨便是煩多 通攷

北周縣五家為保立一保長保五為閭有閭正閭四為族有族正五族

渠縣志

卷七

兵備志三

六

渠縣平民教養工廠鉛印部承印
渠縣平民教養工廠鉛印部承印

為鄰立一鄰長五鄰立一里長五里立一黨長建德二年改軍士為侍官募百姓充之除其縣籍 隋書

隋文帝受禪頒新令五家為保保五為閭閭四為族皆有正畿外置里正比閭正黨長比族正以相檢察蘇威奏五百家置鄉正令理民間詞訟尋廢百家置里長一人

唐令諸戶以百戶為里五里為鄉四家為鄰三家為保每里置正一人 若山谷險阻地遠人稀之處聽隨便量置 掌按比戶口課植農桑檢察非違催驅賦役在邑

居者為坊別置正一人掌坊門管鑰督察姦非並免其課役在田野者為村別置村正一人其村滿百家增置一人掌同坊正其村居如滿十家者隸入大村不須別置村正天下戶量其資產升降定為九等三年一造戶籍凡三本一留縣一送州一送戶部常留三比在州縣五比送

省諸里正縣司選勳官六品以下白丁清平強幹者充其次爲坊正若當里無人聽於比鄰簡用其村正取白丁充無人處理正等並通取十八以上中男殘疾免充

宋初循舊制衙前以主官物里正戶長鄉書手以課督賦稅耆長弓手壯丁以逐捕盜賊承符人力手力散以奔走驅使

淳化五年令天下諸縣以第一等戶爲里正第二等戶爲戶長

熙甯三年十二月詔行保甲法畿內之民十家爲一保選主戶有幹力者一人爲保長五十家爲一大保選一人爲大保長拾大保爲一都保選爲衆所服者爲都保正又以人爲之副應主客戶兩丁以上選一人爲保丁附保兩丁以上有餘力丁壯勇北亦附之內家貲最厚材力過人者亦充保丁兵器非禁者聽習每一大保夜輪五人警盜凡告捕所

渠縣志

卷七

兵備志三

七

渠縣平民教養工廠鉛印部承印
渠縣平民教養工廠鉛印部承印

獲以賞格從事同保犯強盜殺人放火強姦掠人傳習妖教造畜蠱毒知而不告依律伍保法餘事干己又非敕律所聽糾皆毋得告雖知情亦勿坐若於法類保合坐罪者乃坐之其居停強盜三人經三日保鄰雖不知情科失覺罪逃移死絕同保不及五家併地保有自外入保者收爲同保戶數足則附之俟及拾年則別爲保置牌以書其戶數姓名遣官先行畿甸既就緒遂推之五路以遍於天下

七年司農寺乞廢戶長坊正其州縣坊郭擇相鄰戶三二十家排比成甲造爲甲頭督輸稅賦苗役一稅一替若催科外別令追呼者以違制論從之明年詔問罷耆戶長壯丁之法何人建議及以此議奏呈帝曰已令出錢免役又排甲使爲保丁責之催科失信於民又保正本令習兵何可更供二役安石曰保丁戶長皆百姓爲之今罷差戶長使爲保

丁數年或十年方催一稅其任役不過二十餘家於人情無所苦周官什伍其民有軍旅有田役若謂保丁止供教閱不知餘事屬何人也其後諸路皆言甲頭催稅未便遂詔耆戶長壯丁仍舊募充其保正甲頭承帖法並罷

元豐四年詔五路義勇悉改爲保甲

八年詔舊以保正代耆長催稅甲頭代戶長承帖人代壯丁並罷如元充保正戶長保丁願不防本保應募者聽

高宗建炎四年定制十大保爲一都保二百五拾家內通選才勇物力最高二人充應主一都盜賊煙火之事大保長一年替小保長二年替戶長催一都人戶夏秋二稅大保長願兼戶長者輸催納稅租一稅一替欠數者後料人催

渠縣志

卷七

兵備志二

八

渠縣平民教養工廠鉛印部承印
渠縣平民教養工廠鉛印部承印

嘉泰四年七月命諸路提刑提舉司措置保伍法 至開禧元年七月復詔諸路提刑提舉司措置保甲其後理宗寶慶二年拾二月排保甲行自實法

南宋甚重民兵團結民兵之法詳見知漢陽黃幹之奏其法以五家爲一小甲五甲爲一大甲四大甲爲一團長一里之內總數團長爲一里正一鄉之內總數里正爲一鄉官一縣之地分爲四隅每隅之內總數鄉官爲一隅官以察奸慝以護鄉井

元府縣以第一等戶爲里正第二等戶爲戶長縣邑所屬村疇凡五拾家立一社擇高年曉農事者一人爲之長增至百家者別設長一員不及五拾家者與近村令爲一社地遠人稀不能相合各自爲社者聽其合爲社者仍擇數村之中立社長官司長以教督農桑立牌櫺於出側

書某社某人於其上社長以時點視勸誡不率教者籍其姓名以授提點官責之其有不敬父兄及兇惡者亦然仍大書其所犯於門俟其改過自新乃毀於歲中不改罰其代充本社夫役

明洪武十四年詔編戶役黃冊以百有十戶爲一里推丁糧多者十戶爲長餘百戶爲甲甲凡十人歲役里長一人管攝一里之事城中曰坊近城曰廂鄉都曰里凡十年一周先後則各以丁數多寡爲次二拾三年奏准攢造黃冊格式有司先將定式謄刻印板給與坊長廂長里長並各甲首令人戶自將本戶人丁事產依式開寫付該管甲首甲首送各坊廂里長坊廂里長送付本縣查算凡編掛里長務不出本都如一都有六百戶將五百五拾戶編爲五里剩下五拾戶分派本都附各里長名下帶管當差不許將別都人口補轄二拾七年四月命有司擇民

渠縣志

卷七

兵備志二

九

渠縣平民教養工廠鉛印部承印
渠縣平民教養工廠鉛印部承印

間高年老人公正可任事者理其鄉之詞訟

清順治元年詔各府州縣衛所屬鄉村拾家置一甲長百家置一總甲凡遇盜賊逃人姦宄竊發事件鄰右即報知甲長甲長報知總甲總甲報知府州縣衛核實申解兵部若一家隱匿其鄰右九家甲長總甲不行首告俱治以罪

拾七年令民間設立里社則有里長社長之名南省地方以圖名者有圖長以保名者有保長其甲長又曰牌頭以其爲拾家牌之首也拾牌即爲甲頭拾甲即爲保長又曰保正又有耆老一項例有頂帶亦與聞鄉里之事

康熙四拾七年申行保甲之法其一州一縣城闕各若干戶四鄉村落各若干戶戶給印信紙牌一張書寫姓名丁男口數於上出則註明所

往入則稽其所來面生可疑之人非盤詰的確不許容留十戶立一牌頭十牌立一甲頭十甲立一保長若村莊人少戶不及數即就其少數編之無事遞相稽查有事互相救應保長牌頭不得藉端魚肉衆戶客店立簿稽查寺廟亦給紙牌月底令保長出具無事甘結報官備查違者罪之

雍正四年嚴飭力行保甲如保正甲長牌頭果能實力查訪據實舉首者照捕役獲盜過半之例酌量獎賞如瞻徇隱匿者即酌量懲警如有堡子村莊聚族滿百人以上保甲不能徧查者棟選族中人品剛方素爲闔族敬憚之人立爲族正如有匪類報官究治徇情隱匿者與保甲一體治罪

六年禁止四川跳甲插花之弊戶部等衙門議覆奉差四川之給事中

渠縣志

卷七

兵備志三

十

渠縣平民教養工廠鉛印部承印
渠縣平民教養工廠鉛印部承印

等條奏事宜內一條言從前川省差徭繁重保甲人役或按月支應或按里分派數鄉之人夾雜一處名爲跳甲插花其弊無窮今雜辦差徭悉蒙除免豈可任其仍沿舊習應行禁止以息擾累從之

乾隆二十二年又釐直省保長保甲奉諭旨州縣編查保甲本比閭什伍遺法有司自當實力奉行乃日久生玩類以市井無賴之徒承充保長保甲雖課最內有力行保甲之條不過具文從事著各督撫就該地情形悉詳議奏嗣經各督撫上奏戶部彙議略言保甲之設所以弭盜安民今各省奏到情形其中如慎選保甲一條議令該地士民公舉誠實識字及有身家之人承充保正甲長不得以市井無賴濫廁其一切戶婚田土催糧拘犯等事另設地方一名承值至支更看柵等役民間以次輪充惟紳衿及衰廢幼丁量免俱應准行至所請減設牌頭免點

甲長二條查十戶立一牌頭十牌立一甲長原使分任責成若經減免則保正耳目難周稽查恐有不密又添設約正約副設立保甲房書吏二條未免滋擾又十戶輪充甲長一條仍恐無賴之徒濫廁俱應議駁從之以上通攷

清初城局公事札委者曰局士光緒十三年城鄉均設鄉正皆用鄉耆衿監爲之或由官長禮請或由紳衿舉保不限期滿亦無薪水又設各里團保以副之鄉正總理一鄉公事給以圖記遇有竊盜送官必由鄉正印記於牒官始准理每里設鄉約保正各一人主理里中訟獄幹辦差徭公事由各里紳耆公舉官爲給照三年限滿則另行舉報皆以平民充之以十家爲一牌有牌頭一人十牌爲一甲有甲首一人城鎮街道舊設街約一人一曰客總或一街設約一人或數街一人各從其宜

渠縣志

卷七

兵備志三

十一

渠縣平民教養工廠鉛印部承印

無定數十四年設鄉正辦保甲又設各里團保二人分理保甲又改保

正曰里正

以上廣安州新志

民國保甲之制載卷四團練

警備隊 兵備志四

民國三年三月袁大總統通令各縣酌設警備隊上縣百名中縣八十名簡縣六十名由縣知事自行招練所需費款以停辦自治經費充之督率調遣一聽縣署吾渠比照中缺暫設隊丁八十名五年五月知事納汝弼裁併護國軍七月知事李昌宣恢復之新招隊丁百名二年十月縣紳謝濟安爲靖國軍宣撫使編裁保衛團警備隊爲靖國軍七月初設城防司令二月王知事時俊呈奉嘉陵道指令撤銷之復置警備隊八年三月顏德基司令飭設城鄉聯合保衛團五月全省警備總司令通令各縣原設保安保衛防衛等名目應自今統稱警備隊以昭劃一十九年三月又改爲巡緝隊拾年拾月稅知事梯青規復之其後川戰迭興防區制盛行行政令不一團練局次第改組各縣警備隊泰伴

併入團防特置常練兼供縣知事調遣焉

團練 兵備志五

唐肅宗乾元初置團練使大領十州小者三五州代宗時元載當國令刺史悉帶團練大率團練皆隸所治州歲以八月考其治否以安民爲上考懲奸爲中考得情爲下考宋沿唐制諸州置團練使以上文獻通攷當時之弓箭社蓋其良模也由是元有義勇明有壯丁歷代率由未之或廢清嘉慶二年東鄉有王三槐之亂吾渠奉令整飭團練自衛六年總督勒保奏令渠縣增派佐雜二員榜辦團練咸豐九年叙州又有藍朝鼎李永和之亂公議各鄉團操練丁勇自是團練規模益曠矣十一年朱曹之役吾渠有數鄉團勇竟能迎拒賊衆數萬於洗魚灘觀音閣等處光緒拾年李子垣九盤寺因駐團勇大竹匪黨張豪義不敢西犯拾五年擒斬巨匪黎細細瑯琊望溪兩場團勇實尸其功二拾年總督鹿傳霖

渠縣志

卷七

兵備志五

十三

渠縣平民教養工廠鉛印部承印
渠縣平民教養工廠鉛印部承印

霖通令各州縣設團保局局募常練丁七八拾名或百餘名知縣黃德潤集紳議定募常練丁一百二十拾名練費隨糧徵收每斗制錢二百文其各鄉團保亦募常練丁二三拾名有差

民國元年初設團防營六月內務部通飭各縣設團練局局設正副局長各鎮鄉設團練分局專辦民團八月縣屬上下北路西南路各場擬具舉辦民團辦法呈縣備案其法以大小保爲限大保專聘教練一員小保則兩保合聘一員定期教練就所分三區內每十家選擇教練一員教以刀矛槍礮射擊諸技俟操練純熟以一人教一家以一家教一牌以一牌教一甲以一甲教一保教練既成人盡知兵保長即千長以統率各甲甲長即百長以統率各牌牌長即什長以統率各家聲氣聯絡休戚相關遇有匪警梆鑼爲號四面兜擊每月點團一次藉講演以

激宕其心假操作以奮勵其氣趣令人自爲兵家自爲戰兵不待募而自足餉不待籌而自備縣知事特嘉其卓見批准行之

二年三月知事毛煥煊改稱團練總局委雍鎮謝文熾爲正副局長設參議二置常練百五十名八月縣議參會准請改委羅平安爲總局局長十一月大興場民團分局長李光明等以七場聯合團成立具呈縣署擬以各團挨門丁即門戶練每夜二更後各執器械邏巡方境以防盜匪潛滋奉準施行是月縣會議決民團編聯簡章咨縣核行就城鎮鄉自治區域按戶分團十戶爲牌公舉牌長一人十牌爲甲公舉甲長一人十甲爲團公舉團長一人由縣加委其一牌之內花戶俗作遠不足十戶者如上六七戶亦準得成立一牌各團長直隸各分局附郭者直隸治城本局操練分四種一農隙操練二冬防操練三分局調集會操

渠縣志

卷七

兵備志五

十四

渠縣平民教養工廠鉛印部承印
渠縣平民教養工廠鉛印部承印

四本局調集大操每團設練長一人以講習卒業練丁督率之操法以槍枝射擊刀矛諸雜技爲主各團戶壯丁農隙時日於午後輪班到本團操練三小時冬防吃緊時每日操練四小時不得無故不到及以老弱塞責由團練局正副局長督往各路巡防

三年四月設團務局假縣會爲局所就舊分五路每路設路長一員又改各場團總爲場鎮各保保長爲段長以新耳目路長各帶團丁百名或二百名視所屬場長大小多寡爲差四年八月改訂四川通省團練章程頒發到縣撤銷團務局仍設團練局其場長段長名號一律改從舊稱

六年六月省長公署以現值大軍清鄉各處匪徒往往避實趨虛伺察官軍行動預設機牙或變易服裝或窖藏槍械或僞爲商販或雜入農

氓比及軍隊調移輒復乘間竊發然匪徒雖至狡獪能淆軍隊一時之耳目斷難逃團保平日之見聞通令責成團保認真整頓治匪清源使內奸無回旋之地外匪絕勾煽之資云

八年四月知事余同劃縣屬舊有五路為七區以治城及東南北三關等場為第一區林壩現改為臨巴流溪錫溪李馥等場為第二區柏林清河

楊家迴龍等場為第三區碇硎李渡瑯琊望溪灘渡中灘有慶等場為第四區新市寶城宋家龍鳳清溪茶房河埡望江青龍等場為第五區三滙龍會文重豐樂湧興小楊家義和土溪貴福石埡等場為第六區大興板橋青絲靜邊白兔八廟水口巖峯三板萬壽等場為第七區區設團總一人常練三十名至六十名專供游擊盜匪輔助民團及催科稅款之用其月餉由區屬各場龔給彙同區團費以時措繳誤時者飭

渠縣志

卷七

兵備志五

十五

渠縣平民教養工廠鉛印部承印
渠縣平民教養工廠鉛印部承印

丁守催各鄉民愈遭剝削矣八月局長畢贊周舉辦團練傳習所畢業者數十人

十年三月知事李逢焯令飭團練局成立游擊七分隊分駐各區區設督察員一人按月由局支薪四千文十月知事稅梯青令調七分隊回城改編為四隊並裁各區督察員以節靡費

十一年十一月團練局以舊有毛瑟槍作價分發各鄉新購夾板槍一百八十枝

十二年一月知事侯元澄令飭各區場整頓門戶練其常練未成立者不得再行成立已成立者不得再事擴充二月駐防巖峯場游擊第一隊三分隊中士何俊率兵士二十三名攜槍潛遁五月陝軍據治城提取團練局槍彈無遺

十三年二月知事廖震印發各鄉十家門戶牌以清內奸規復七區團總制撤銷團練局改設軍團聯合處知事兼任處長六月六七區成立聯合團辦事處游擊隊百名專供清鄉禦匪之用頗著成效十月陝軍退走知事余維初規復團練局

十四年二月四川陸軍第十一混成旅旅長蒲江羅公駐渠令飭裁撤區團局自是各場團總始得直隸團練局人民亦得弛于擔負五月縣署令行各鎮鄉特設團款監察員由縣署委員監督票選與正副團總同十月遵章票選陳石安爲局長由縣轉呈省局加委十一月經團務會議表決分呈縣署師部核准在團練局內附設臨時修械所官督商轉專事修理民團武器十八年秋奉令停辦十五年後奉師長羅令申送聯團講習所學生先後計共九拾三名

渠縣志

卷七

兵備志五

十六

渠縣平民教養工廠鉛印部承印
渠縣平民教養工廠鉛印部承印

拾六年一月團練局奉令改稱團務局直接通省團務處號爲獨立尋如舊制是年秋第二屆改選仍選石安充任隨於縣東李子壩龍峽山柏林口等處添建碉樓

拾七年秋由局稟准開辦民團幹部傳習所一二兩期先後畢業者計三百餘員拾月因冬防吃緊議由民糧每斗附徵洋五角成立游擊大隊分八區三拾二中隊

拾八年縮編爲五區二拾中隊大隊長仍由局長兼攝經費減少改徵每斗附加二角以拾九年二月拾五爲四個月作一次徵收期續辦續徵

拾九年拾月奉拾一師令又改稱團務局爲保衛團辦事處處長由縣兼攝副處長以現任局長充之選舉之例遂因以中斷併照通令酌劃

全縣爲十區各設區長一助理二是爲地方自治之初聲
二十年二月楊軍長接防後改委副處長併置民團指揮官五月成立
戊區團務幹部學校遵飭每期申送學員一百名經費由辦事處照攤
報解計先後畢業回籍服務者現已百有餘人是年十二月始以五區
隊編爲精練營廢大隊長另置營長各職

二十一年八月縣長龍煥章因各上峯催促戶口清冊始遵依通令廢
團甲實行編戶以五家爲鄰二十五家爲閭百家爲鄉原有之市場在
百家以上者爲鎮不及百家者仍稱爲鄉鄉鎮各管閭鄰直隸區長九
月復奉令成立民練五營行未久以經費支絀議廢由縣通令改辦門
戶練

團務局長題名

渠縣志

卷七

兵備志五

十七

渠縣平民教養工廠鉛印部承印
渠縣平民教養工廠鉛印部承印

雍鎮	謝爾熾	羅平安	畢贊周	鄒平章	藍寄塵	王篤誠
王公度	王潔澄	劉保元	王伯熙	鄒希仁	陳石安	
保衛團辦事處副處長						
陳銘鼎	陳正五	熊公布	楊華林			

軍事 兵備志六

周 武王代紂巴師銳勇歌舞以凌殷人倒戈故世稱之曰武王代紂前歌後舞也 華陽國志

魯桓公九年巴子使韓服告楚請與鄧為好楚子使道朔將巴客聘鄧鄧南鄙攻而奪其幣巴子怒伐鄧敗之其後巴師楚師伐申楚子驚巴

師 華陽國志

魯莊公十八年巴師伐楚克之 華陽國志

晉文公西伐巴蜀 呂氏春秋

魯文公十六年巴與秦楚共滅庸 華陽國志

哀公十八年巴人伐楚敗於鄆 華陽國志

周之季世巴國有亂將軍有蔓子請師於楚許以三城楚王救巴巴國

渠縣志

卷七

兵備志六

十八

渠縣平民教養工廠鉛印部承印 渠縣平民教養工廠鉛印部承印

既甯楚使請城蔓子曰藉楚之靈克弭禍難誠許楚王城將吾頭往謝之城不可得也乃自刎以頭授楚使王嘆曰使吾得臣若巴蔓子用城何為乃以上卿禮葬其頭巴國葬其身亦以上卿禮 華陽國志 吳闔廬選多力者五百人利趾者三千人東征至於廩廬西伐至於巴

蜀 呂氏春秋

秦 惠文王時與巴為好蜀王弟苴侯封於葭胡苴侯私親於巴巴蜀世戰爭蜀王伐之苴侯奔巴巴為求救於秦惠文王遣張儀司馬錯救苴巴遂滅蜀儀貪苴巴之富因取巴執王以歸 華陽國志

惠王遣張儀率巴蜀之師十萬浮江伐楚取商於之地為黔中郡修整里闡張市列肆與咸陽同制 華陽國志

漢 高帝為漢王王巴蜀闡中人范目說帝募發寶民與共定秦地秦

地既定賓民皆思歸帝嘉其功而難傷其意遂聽還巴華陽國志

高帝十一年發巴蜀材官衛軍霸上文獻通攷

建武十八年蜀郡守將史歆反移檄州縣宕渠楊偉等起兵數千人應

之遣吳漢率軍討誅歆等漢乃乘桴沿江下巴郡楊偉等惶恐解散漢

誅其渠帥二百餘人徙其黨與數百家於南郡長沙而還後漢書

永初二年羌人反亂廣漢郡屯葭萌巴郡板楯軍救漢中大破羌人後漢書

書

興平元年馬騰與劉範謀誅李傕劉焉遣叟兵五千助之戰敗後漢書

建安二十年曹操定漢中張魯遁走巴西魏將張郃別督諸軍掠巴界

先主率張飛等進軍宕渠之幪頭今縣東八濛山相持五十餘日飛率精卒萬

餘人從他道邀郃軍交戰於陽石先主志作瓦口一作盪石山道迤狹前後不得相

渠縣志

卷七 兵備志六

十九

渠縣平民教養工廠鉛印部承印 渠縣平民教養工廠鉛印部承印

救大破郃軍郃棄馬緣山與麾下十餘人從間道引還南鄭巴志

晉 永康元年巴西趙廞謀叛與宕渠李特振施流人以收衆心特之

黨類皆巴西人與廞同郡率多壯勇因聚衆專為寇盜廞僭稱益州牧

殺李庠特弟怨之攻殺廞載記

永甯元年羅尚為平西將軍護西夷校尉以叟兵擊流人李特李驥等

破之

永嘉四年譙登之父居巴西為李雄巴西太守馬晚所殺登請鎮南將

軍劉宏資兵以復仇宏乃表登為揚烈將軍梓潼內史使自募巴蜀流

民得二千人西上至巴郡進攻宕渠斬馬晚食其肝巴志

元興三年桓玄纂晉加益州刺史毛璩常侍左將軍璩執其使者傳檄

討玄玄怒使郭德成宕渠璩會巴東太守柳約之等擊破之晉略

義熙二年秋九月克宕渠劉裕遣毛修之等討譙縱至宕渠軍中作亂修之退還白帝晉書三年八月克宕渠

梁 天復二年王建取山南西諸州鎮按渠州時隸山南西道天祐四年取金州

置觀察使兼領渠巴開三州尋復失之後復得金州置雄武節度於此

史略

唐 長興初孟知祥併東川史略

宋 開寶二年王全斌略定兩川地史略

端平二年蒙古命闊端等侵蜀四路悉殘破史略 按縣時隸潼川路

寶祐中元兵入蜀制置使蒲澤之宣撫李會將軍張需移渠州治於禮

義山元軍至練使胡載榮率州人以死拒守城得無恙明統志

元 世祖中統十五年八月安西王言川蜀既平城邑山砦洞穴凡八

渠縣志

卷七

兵備志六

二十

渠縣平民教養工廠鉛印部代印

十三所其渠州等處凡三十三所宜以兵鎮守餘悉撤去從之

至正二十一年明玉珍併東川郡縣史略

明 洪武四年平巴蜀

清 宣統三年十月大竹歐攀桂詭稱同志軍率黨千餘人至縣掠取

警察局槍械苛斂於民縣衆大憤鳩集壯丁攻殺之其黨徒三百餘人

潰逃出城者多赴河死已廣安胡孟輝王小臣等又率千餘人據縣時

成都尹昌衡已殺川督趙爾豐隆昌張培爵合江夏之時發難重慶皆

稱軍政府各縣紛紛獨立知縣周誠避位出署大竹李紹伊亦遣隊來

縣與胡孟輝等各索銀千兩王小臣攜取縣印而去

民國 五年袁大總統改稱洪憲元年各省護國軍起大竹蕭德明稱

護國軍川東總司令五月十九日率軍來攻渠民共推納知事汝弼爲

護國軍總司令羅平安爲副司令嬰城拒守蕭軍圍攻十餘日不下民黨同志賴振華等死之順慶護國軍川北總司令鍾體道遣曾營長居間媾和於六月九日蕭軍始去

九年七月鄭軍攻渠城中防守特嚴不數日圍解

十一年夏七月四川陸軍第一軍第二軍始肇釁作戰二軍蹙一軍於渠南一軍反攻大敗之初兩軍交綏一軍引退達縣至渠二軍前敵總指揮唐式遵由梁大率隊踵追抵渠臨河千河水倏忽泛漲乏渡隔河發大礮注射一軍退走二軍造浮橋渡河窮追值至縣南新市鎮杜家岩峻阪狹道登陟殊難突遇鄭經武率軍一旅由花橋繞經南院子伏道迎擊二軍不支轉戰經寶城有慶中灘諸場直至渠城戰區延屬九十里銃礮之聲不絕唐式遵既退渡浮橋立折毀之以防進兵其支隊

渠縣志

卷七

兵備志六

二十一

渠縣平民教養工廠鉛印部承印
渠縣平民教養工廠鉛印部承印

長李樾森尙屯渠城未出幾爲一軍所獲隻身力馳至上流呼船得渡始脫險去

十二年四月顏德基攻渠六日不下廣岳民軍來援圍始解

五月陝軍第二支隊司令王宗良攻渠由三灘進軍土溪時治城爲鄭啓和所據因遣其八路司令防守李馥場南陽塢碧雲寺諸處旋敗退至高石坎徑拔隊去陝軍遂入城

八月陝軍第七支隊司令張藩與鄭啓和通款王宗良退駐三灘啓和令其指揮官周紹軒率兵駐渠九月張藩亦由大竹移駐

十三年一月王宗良自三灘反攻鄭軍迎擊於穿林壩及石子嶺抗戰甚烈王軍稍卻越三日復分兩路進攻一由馬木溪絕河趨據王家山一由曹家店直長流江溪發大礮轟城鄭軍不支張藩逃亡餘衆潰退

城破王軍入城恣意殺掠竟日乃定計罹害者有李芳廷等數人拾月川陝邊防督辦劉存厚據渠王軍引去尋黃驥遣其左翼司令陳清泉來攻兵抵北門劉部團長余光武亟謀退走適梁士榮自大竹馳援陳始敗退

拾五年冬駐川何光烈師屬部秦杜兩旅潰變勢將擾我駐軍旅長熊玉璋偵知先領所部冒雨沿營蓬各邊佈防粗定該軍大至急邀截痛擊彼不得逞

十八年一月駐萬楊子惠軍長率五師二旅來渠其伙餉由我月事供給併設軍團聯合辦事處以通聲氣而軍民之相安實由駐軍措置有方

十八年八月紅軍竄入巴達剽悍異常已歷縣邊文市龍灘各場駐旅

渠縣志

卷七

兵備志六

二十二

渠縣平民教養工廠鉛印部承印

熊玉璋急於邊場陳師揚威該軍知我有備繞道他去縣以無驚

匪患 兵傳志七

漢 平帝末赤眉賊亂巴境殘破 蜀碑補

延禧元年板楯數反太守蜀郡趙溫恩信降服五年泰山但望守巴郡賊盜公行姦宄不絕劫傷守尉等又有女服祆賊千餘人散布千里不即發覺謀成乃誅 巴志

光和二年巴郡板楯夷復叛寇掠三蜀遣太守曹謙宣敕救之皆降服 後漢書

中平元年秋七月巴郡妖巫反寇縣境 巴志

五年巴郡黃巾賊起益州黃巾馬相寇巴郡殺郡守趙部益州從事賈龍斬相板楯蠻夷因此復叛寇掠城邑遣西園上將軍別部趙瑾平之 後漢書

渠縣志

卷七 兵備志七

二十三

渠縣平民教養工廠鉛印部承印 渠縣平民教養工廠鉛印部承印

建安四年蜀劉璋怒賓夷杜獲叛詣張魯巴人日亂以龐羲為巴郡太

守召賓民禦焉 巴志

十年漢中張魯以鬼道教百姓賓民敬信巫覡多往奉之天下大亂李特之祖李虎自巴西之宕渠遷入漢中楊居坡抄掠行旅百姓苦之號

曰楊車巴 蜀錄

晉 建元四年山獠始出巴西種十餘萬落布山谷為民害

永和三年桓溫平蜀大殲諸獠以巴漢流人立晉昌郡領之

隆安元年梁州三郡人丁一千番戍漢中宕渠等郡為羣獠所覆城邑空虛士卒流亡

齊 永明初蜀賊張文萼據白崖山 今廣安 巋然山 有衆萬人梁益二州刺史

蕭範命巴西侯宏遠討之戰死宏遠累世為西蜀酋豪其子填益兵復

仇斬文萼

北周 天和元年陸騰討信州蠻詔辛昂於渠州運糧饋之昂威信布於岩渠表為渠州刺史

大象元年蜀多劫盜益州總管宇文貴召任俠傑健者署為遊軍二十四部令其督捕由是頗息北周書

隋 大業十一年縣置督捕以討賊

唐 貞觀十三年渠州山獠反將軍上官懷仁討平之

廣德初南陽賊竄冲相寺近境有僧激海躬擐甲胄隨渠州刺史將帥討賊時禾稼未登海乞兵保護刈穫軍食遂足卒大破賊

宋 開寶五年渠州妖賊李仙聚眾萬人劫掠廣安軍界知軍事朱昂設策禽之宋史

渠縣志

卷七

兵備志七

一二十四

渠縣平民教養工廠鉛印部承印
渠縣平民教養工廠鉛印部承印

淳化五年李順叛蜀常思德帥次達州新甯縣調士兵三千人殺賊於梁山又與尹元裴莊等合擊於合州復破賊帥田奉正蘇榮於果州餘賊走廣安及渠州分兵為二渠之賊以元莊領之抵廣安者思德領之合力進討盡殲其黨宋史

元至正十二年紅巾賊起十七年團結義兵府縣正官兼防禦事元史

明 洪武四年廖永忠平蜀以府縣民或助為亂大肆殺戮復遷楚之麻黃人來實茲土大竹志

正德六年保甯賊鄢本恕藍廷瑞掠蓬州其黨廖麻子曹甫竄營山僉事王源行部川北率典史鄧俊擊之不克死賊遂竄州境渠縣義民蕭伯泰率勇來戰於廣安城東廟沱敗績死之其所乘馬悲嘶不已旋轉於廟沱上之李家村得伯泰頭銜之直奔歸三匯鎮蕭宅擲於地馬亦

觸石死

廣安州新志

鄢藍賊至渠圍攻老鶴寨

即龍林寺

不克賊目率眾燬寺迨夜忽有若憑賊

日之子者反刃向賊言曰還我廟來賊眾大驚遂自引去

縣志

崇禎五年姚黃賊竄渠鄉村議團練

明碑

渠縣民變生員鼓譟擊死衙蠹數十人

蜀龜鑑

十四年各郡縣同時民變廣安白蓮妖人何加起稱老佛聚眾數萬事

敗投姚黃賊來寇蹂躪渠境殺戮無子遺

廣安州新志

崇禎末逆賊張獻忠陷成都僭號改元地方狃於承平武備單弱遇寇

率皆逃遁而姚黃十三家蜂起焚掠川東北州縣所過殘破居民匿山

澤間者搜得之丁壯紵其臂以供負戴或殘殺之婦女勒其少艾者妻

之其不從而老弱者悉付刀劍毋論財貨也於時里人郭榮貴憤極率

渠縣志

卷七

兵備志七

一二十五

渠縣平民教養工廠鉛印部承印渠縣平民教養工廠鉛印部承印

其宗族及鄉里若黃若鄭若劉若周若廖楚徐鄧董羅楊等凡十五族
得三千餘人協力築砦以禦之晝則幕帳連野夜則烽燧竟天有疊碁
累卵之危無蚍蜉蟻子之援榮貴誅莠為宇負扉為固內修樓櫓外勤
耕植守禦粗備人賴以安賊目吳應元者恃其徒眾屢來伺隙欲遂破
大斌山榮貴不告於眾與所親數人陽迎應元即行次手刃之餘眾驚
潰眾心始固

縣志

清 順治二年春搖黃屠巴通東太達梁新開諸縣夏又破長墊隣大

廣岳西營渠定各地方屠城砦焚廬舍炮烙弔拷以取財穀盡殺其紳

士軍民等惟掠其少艾子女入營壯丁縛以生牛皮文其面使任負荷

積屍滿地臭聞千里獻忠設監紀通判與駐防參同行至廣安搖黃攻

殺之南部生員李俊英與戰不勝投江死

蜀龜鑑

是年廣安蠹吏蔡惟先殷一鳳聚眾無賴劫掠渠縣投入姚黃賊州廣安新

志

乙酉順治二年十月賊日王有進以數萬人奄至將渡渠江掠梁大而東也

郭榮貴以寨兵即大斌山寨之兵二千人半渡擊破之覆其眾殆近萬人諸姚

黃遂嚴大斌山相戒不近左右四方避亂之士亦遂畢集於此久之寨

兵敗劉惟明復敗吳之茂而大斌山之名益播遠近明偽宗人朱容燾

所署縣令吳雲龍以乾餼之忿援賊首楊秉印白大千張滿車三酋合

十數萬人來壁禮義城以逼寨下凡五閱月清巡撫李國英遣鎮將軍

馬化豹盧光祖以鍊騎五千精甲萬人馳救渠中各寨丁壯爭為先驅

破賊於流溪生擒數百斬馘萬千賊乃燒營而遁縣舊志

三年羣賊聞獻忠破夔悉避入深山黃龍由隣水奔巴州黃城搖天動

渠縣志

卷七

兵備志七

二十六

渠縣平民教養工廠鉛印部承印
渠縣平民教養工廠鉛印部承印

由梁山攻東鄉方斗寨黃鶴子馬超邢十萬由開縣奔達州潘邨黑虎

混天星由大渠掠巴州金花臺楊三闖食王由太平掠巴通諸砦凡從

前未破之砦砦搜劫無遺蜀龜鑑

九年八月譚宏掠達州及渠縣蜀龜鑑

十一年楊秉允袁宗第劉二虎等犯東達營渠撫軍遣將擊走之蜀龜鑑

康熙十九年二月譚宏黨彭時亨大肆猖獗四月大兵追至廣安破其

眾時亨降七月復叛據渠縣斷頭山總兵高孟蹙之於南溪橋進敗於

維溪橋復圍之靈鷲寺斬其將魏仰武蜀龜鑑

二十年時亨餘黨王奇祿擁眾數千人據渠縣觀音寺祭旗起事復為

縣令擒斬之蜀龜鑑

嘉慶元年教匪徐王等倡亂達州所過屠掠焚燹幾無子遺吾鄉奉督

帥堅壁清野之令爰拓玉山砦以居三四年間賊匪迭至遠近來避者甚衆皆賴以存活

縣志 舊志

二年九月巴州賊羅其清通江賊冉文儔起應東鄉賊王三槐所過州

縣肆行劫殺逃難之民日匿山洞夜露宿草間始義增築城砦

琥西錄 四川通志

是年白蓮教匪徐添德等往來劫掠渠廣隣長大梁新開等縣

三年合州牧龔景瀚上堅壁清野之議大帥采之下其事於縣令結砦

屯糧團練鄉勇以自衛

夏四月冉羅二賊擾渠縣賊衆圍營山其維市小橋岩風灘一帶男女

老幼被賊衝散者轉徙大有場等處牽豕負糧日夜絡繹於道六月賊

首羅其清竄渠縣大青山州義勇並岳池團練齊赴大有場防禦

廣安州新

志

渠縣志

卷七

兵備志七

二十七

渠縣平民教養工廠鉛印部承印 渠縣平民教養工廠鉛印部承印

道光十二年渠縣大通溪張定川方人書謀亂民人多遷移入砦官兵捕誅之事平

咸豐九年滇匪李永和號短搭子藍朝鼎號二順竄叙州縣議團練招鄉勇

十一年冬十月二十六日偽統領周朱二逆由廣安竄入渠縣之新市鎮十一月十三日朱逆至龍鳳場攻觀音閣砦中伏宵遁二十四日同偽統領曹燾章擁衆數萬移駐吳家場團勇拒之於洗魚灘十二月圍攻渠縣陸令求黔勇之援同知顏佐才自廣安赴剿晨戰曹逆於中灘橋設伏甘蔗林中大敗之賊衆星夜狂奔至廣安龍臺寺列炬如長虹巨天

同治元年駱文忠督川檄各州縣調集團練堵防要隘六閱月賊平始

撤

光緒拾年大竹張豪義謀亂鄉民均徙於碧縣令調集團勇防堵李子堽九盤寺等處月餘事平始撤

拾五年巨匪黎細細聚衆八拾餘人橫行有慶場一方駐防把總馬天魁調集瑯琊望溪兩場團勇捕斬之

二十四年單刀會匪喻海山擾北關場駐防把總唐占先率隊往捕既交綏汎兵蔡級三董占鰲均負重傷已團練大集聲勢甚壯海山始惶恐遁去

二十八年秋八月紅燈教擾川北渠縣城鄉練團堵隘檄書火急事旋平

三十二年縣民陳鴻圖爲妖僧誘習八卦教以符水惑衆謂槍刃不能

渠縣志

卷七

兵備志七

二十八

渠縣平民教養工廠鉛印部承印
渠縣平民教養工廠鉛印部承印

中傷招集少年百餘輩晝夜練習縣令如柏聞之遣皂卒往探均遇害因具稟上憲綏定知府遣岑游擊胡管帶先後到縣曉以大義不從卒捕斬之

民國 民國元年十一月民團先後補獲劇盜白雲亭蕭士臣等十餘人送縣斬之

二年八月匪首蔣華封遣其黨徒要殺團練局長雍鎮於南關外十月縣會咨請縣知事整頓團練以備冬防是月簡營長駐防渠縣遣隊捕獲蔣華封斬之

四年四月十九日昃曉巨匪湯子沐率黨百餘人詭稱陸軍各手快槍突入三灘鎮劫掠一空虜去富戶三拾餘人復縱火燬肆去後居民始出撲火已延燒三分之一矣辜較損失約在三拾萬以上入民國以來

匪禍之慘無逾於此其後湯匪就撫第一軍海充師長爲所部銳殺死
七月巨匪樊俊臣率黨百餘人至縣南灘渡場肆行剽劫復縱火焚市
燬燼之餘惟存中街張桓侯廟一段 九月三匯流溪兩場民團圍攻
巨匪張作霖於牛奶尖流溪民團管帶趙制宜團丁王樹政王恩寬均
戰死知事納汝弼念其功迎其主入昭忠祠祀之 十月巨匪陳兆祥
陳維周等因三板場團總戴子俊輸誠於納知事未幾馮旅長玉祥清
鄉至渠詢知其僞立逮至殺之戴子俊亦以阿匪論死 十一月四川
陸軍大舉清鄉令飭渠縣堵截要隘以防匪黨竄逸 二十五日匪劫
臨巴場團總王寶珊羅錦章立集壯丁團擊匪彈乏不能戰野人出其
僭具擊斃二人生擒十餘人誅之
五年八月捕獲宿匪劉開基等十餘人槍決之

渠縣志

卷七

兵備志七

二十九

渠縣平民教養工廠鉛印部承印
渠縣平民教養工廠鉛印部承印

六年一月巨匪袁^{俗作}哆^{吞字}鬍子焚劫碓碓門及雲霧山民團逆戰不敵
警備隊長許大鴻往援擊斃其黨徒二十餘人匪見勢蹙乃繳械投誠
事始解其傷亡被害之家縣知事獎恤各有差 二月匪擾縣南瑯琊
場警備隊三分隊長黃治龍死之其弟雲衢與士兵涂占臣亦同時陣
亡僅擊斃三匪餘均遠颺鄧知事從優議恤死事各家
七年五月警備隊在土溪場捕獲宿匪黃寶山解縣殺之 九月謝團
長腹便奉令清鄉先後捕獲匪徒蕭海山等十餘人殺之
八年一月十三日縣北李馥場集期突來匪徒數十人手挈^{俗字}鐵^尖角
旗詭稱謝團清鄉一時槍聲四起肆行鈔掠復虜去一百五六十人次
年春夏間始陸續贖歸 四月警備隊長彭震章隨靖國軍司令部參
謀長公孫長子至柏林楊家清河等場清鄉捕斬匪徒譚成等十餘人

尋有團紳具報震章苛擾地方狀公孫怒立槍決之 八月匪劫老河灘棉花船經梭羅河吳郭何兩保團丁要擊之奪回失物並擊斃其黨二名 巨匪胡甲擾渠九月二十二日劫縣南新市鎮二十四日劫龍鳳場二十九日劫清溪場十月四日團練局常練丁與胡匪戰於團堡山損失槍彈甚鉅死十二人 藍連長田玉駐兵寶城場石城砦十月望夕胡匪襲入砦擊斃兵士八人傷三十四人

九年七月胡匪復劫龍鳳場尹知事督民團及警備隊與戰於寶珠寺團正羅傑羅潤玉死之團丁斃亡者九人知事均厚恤其家 八月二十四日靖國聯軍先遣司令李子實在縣南新市鎮補獲要匪十餘人得快槍數枝 九月達縣巨匪朱義亭聚黨千餘人踞渠北龍會沱行劫十二月往鈔宣漢敗歸欲復據沱其地民團隊長預集鄰團圍攻義

渠縣志

卷七

兵備志七

三十

渠縣平民教養工廠鉛印部承印
渠縣平民教養工廠鉛印部承印

亭敗走團丁羅顯成奮勇進擊戕之於達縣顯成亦誤中賊彈而亡是月胡匪復擾渠南劫掠燒殺無所不至 九月十二日匪襲清溪場與保衛團之一二三隊抗戰二小時勢蹙引去 十年九月二十日五區分隊長唐炳奎遣徐分隊長率兵一隊督同宋家場民團潛往西橋襲擊要匪張忠臣未至忠臣已爲其地民團所虜軍還抵鐔子壩復捕獲李矮子楊全安二匪立槍決之 十三年夏縣集民團直搗牛角山匪巢捕斬數拾人匪風稍戢 十五年十月縣北岩峯場團總陳守銓格殺宿賊王正剛解其頭於縣知事龐熒高旌以扞國衛民四字首懸三日再以徇示三匯水口等場觀者稱快

十五年六月團局清獲巨匪張治軒連槍三枝贓物多件呈縣轉部九

月常練隊長楊相福程光宗奉令率隊在新市場擊潰股匪龔貫一黨徒二百餘名是年冬隣水巨匪楊湘肆擾綏定不克潛紮縣屬之牛奶大山爲我民患該山險惡向稱匪窟駐縣熊旅約隣縣各軍會合兜剿翌年二月擒獲遞解潯水處決
十八年一月因軍事未靖匪類乘間竊發肆害臨流錫各場駐旅熊玉璋商知事胥志光督飭團練與之夾擊月餘患弭

渠縣志

卷七

兵備志七

三十一

渠縣平民教養工廠鉛印部承印
渠縣平民教養工廠鉛印部承印

渠縣平民教養工廠廠長陳銘藩監訂

庶務高時育
經理陳偉生
校正